

大方等集月藏經

第四

九十四
陶四

47718



元祿九年丙子二月日重脩

皇圖

策

帝

佛日

增輝

轉

山城州天安寺法金剛院置



大方等大集月藏經卷第四

陶

高齊天竺三藏那連提耶舍譯

令魔得信樂品第六

尔時有一帝釋天王名曰火光與大眾集在
於會坐白憍尸迦帝釋言憍尸迦此魔波旬
爲當欲令住於閑林與第一義相應菩薩摩
訶薩等得三昧故勤作惱亂爲欲退彼三昧
故也時憍尸迦答彼火光天帝釋言是魔波
旬於四天下一切處中令諸衆生退失留難
善朋黨故勤作惱亂又令退失留難檀波羅
蜜乃至般若波羅蜜故勤作惱亂復令退失
天人種故三種菩提故增長三惡道故勤作

惱亂魔諸眷屬亦復如是爲欲增長一切衆
生大苦海故勤作惱亂憍尸迦說是語已于
時一切諸來大衆皆以慈心瞻視魔王有諸
菩薩摩訶薩等慈愍勸諫魔王波旬是時火
光帝釋復與一萬帝釋天衆悉共合掌向魔
波旬作如是言大王慶喜慶喜於三寶中應
生信敬是時娑婆世界王大梵天王與六十
億百千梵衆及四天王慈心眼視魔王波旬
亦作是言慶喜慶喜汝魔波旬若於三寶不
得信敬未來長夜有大損失無所利益墮諸
惡道是魔波旬爲彼一切諸來大衆各各皆
以慈心眼視及諸菩薩摩訶薩等釋天梵天

護世凶王勸諫之時從座而起合掌向佛頭
面禮足而說偈言

智者一向棄王位

以有煩惱嫉妬慢

故今失壞勝善道

墜墮諸惡不善趣

我以富貴狂因緣

於善導師多留難

遮障衆生諸善業

初不見佛起瞋心

世尊一向常忍辱

慈悲憐愍諸衆生

等心一切已慢除

枯竭衆生煩惱海

唯佛燒盡煩惱薪

能示人天解脫道

今億衆生度有海

我盲無智入闇冥

我今啓請諸大衆

願以慈悲助我等

謝過如來任堅信

更不重起惱亂心

我今一向護佛法
自捨所有貪妬慢
我今發大菩提心
自修精進滿六度
我為一一衆生故
隨所能令人法城
未曾見有如此會
由我惡心被馱賤
從今永住淨信心
心與聖德常相應

尔時魔王說此偈已即向佛所到已禮拜而
說偈言

熾然光顯正法眼
懺悔無餘諸罪業
及勸一切衆生等
置彼衆生於八道
顯說無量諸法門
如是勤勸一切衆
悉能淨信於三寶
故今捨之及衆過
願後更不被馱賤
不復造作衆惡業

我於世尊作留難
救孤獨者受我懺

願以上忍見容恕
大智慈仁不懷瞋

尔時一切諸來大眾咸同一音而白佛言婆
伽婆唯願容恕魔王波旬魔今深信誠心懺
悔當持佛法熾然法眼今世尊法久住於世
復使人天長夜當得利益安樂

尔時世尊以偈答曰

忍為世間最

忍是安樂道

忍為離孤獨

賢聖所欣樂

忍能顯眾生

忍能作親友

忍增美名譽

忍為世所愛

忍得富自在

忍能具端正

忍能得威力

忍照於世間

忍得諸欲樂

忍能成工巧

忍力降伏怨

及以除憂惱

忍招諸勝報

忍能得妙好

忍得大梵王

輪王具神通

忍得龍夜叉

不害於衆生

忍能止妄語

及離邪見意

般若波羅蜜

忍得羅漢樂

忍能具十地

忍得好容色

忍能趣善道

忍能息諸苦

忍得欲自在

忍得人中主

修羅中自在

忍能離偷盜

兩舌綺惡言

忍力成施戒

能滿此六度

亦得辟支佛

速得菩提道

忍能具眷屬

忍得人樂觀

忍得壽命長

忍得天帝釋

忍力難降伏

忍能息諸怨

忍能捨婬欲

忍能除貪瞋

精進及禪那

忍能除諸惑

及任無生忍

忍於諸衆生

得為無上勝

忍能降伏魔

及伏諸外道

忍能於世間

轉最無上輪

忍令多衆生

枯竭三惡道

忍斷煩惱障

及能淨法眼

忍授衆生記

三乘隨所求

忍能伏剛惡

夜叉羅刹等

忍與種種人

授記最勝道

忍已降諸怨

亦能滅衆惡

忍能息一切

非時暴風雨

忍能作大集

此諸所來衆

我恕汝波旬

於我諸獷戾

但自謝已心

是我第一恕

今於大衆前

證知勸誡汝

莫壞我所習

一切佛正法

今時一切諸來大衆天人阿脩羅乾闥婆等

同聲歎言善哉善哉娑伽婆如來常於一切

衆生慈悲憐愍以諸善法饒益安樂魔王波
旬常於世尊起憎惡心怨心害心與諸衆生
爲惡知識於諸善法常作留難令任不善時
有梵天名曰威德曰不動大梵天王而說偈言
如空無邊亦無等
佛智如是不思議
一切衆生所依住
於一切法到彼岸

世尊有歎檀行處
以檀得爲功德士
或有廣說戒忍進
世尊於此一一中
如來唯以禪定法
是故常應樂任禪

憐愍一切衆生故
速能滿諸波羅蜜
及以禪那般若等
具足能顯於六度
說能趣向菩提道
速能證於大菩提

尔時復有一切梵王諸帝釋王諸餘天王諸
龍王諸夜叉王諸阿脩羅王諸迦樓羅王諸
緊那羅王諸軋闍婆王諸摩睺羅伽王諸羅
刹王諸鳩槃荼王諸餓鬼王諸毗舍遮王等
從座而起向魔波旬合掌而禮作如是言大
王敬信敬信牟尼世尊以此世尊解脫諸過
到於一切功德彼岸慈悲憫愍諸衆生等施
一切樂覺了諸法捨諸流轉住於彼岸又言
大王若有衆生乃至一念深信如來敬仰尊
重歎未曾有以敬信故得作輪王統四天下
七寶具足乃至得作帝釋天王欲自在主魔
王波旬娑婆界主大梵天王何況常能具信

三寶是故大王應捨魔見諸惡濁心具足淨
信於生死流轉富貴自在受諸果報後成正
覺能施衆生一切安樂得爲世間無上福田
尔時魔王復與諸臣頂禮佛足專心敬信牟
尼世尊殷懃懺謝尔時世尊以偈告曰
惡心奸慧汝當起
我常容忍天人證

至心修行菩提道

汝當作佛無邊慧

尔時魔王極生淨信即持無價摩尼寶鬘無
價咽瓔珞辟瓔珞脚瓔珞及以拍鬘奉獻世
尊合掌而禮作如是言我皆於佛多作留難
爲欲破壞正法眼目斷三寶種壞滅法炬何
以故遠離善法迷惑心故今於三寶深得敬

信本管所作一切業障今已懺悔已發阿耨
多羅三藐三菩提心蒙得授記唯願世尊哀
受我等摩尼寶鬘瓔珞拍鬘尔時世尊慈悲
憐愍魔波旬故即便受之尔時魔王心生大
喜作如是言若佛所有聲聞弟子比丘比丘
尼優婆塞優婆夷若復餘人宴坐閑林與第
一義相應住者現在未來若魔魔子魔婦魔
女魔諸左右男夫婦女及依魔住所有衆生
若天天子天婦天女天諸左右男夫婦女若
龍龍子龍婦龍女龍諸左右男夫婦女乃至
迦吒富單那若子若婦若女若諸左右男夫
婦女媯亂衰害取其精氣氣噓其身散亂其

心若奪衣服飲食湯藥若教他奪若奪其味
若以鼻嗅若放臭氣滿其任處若復見彼任
於閑林比丘比丘尼優婆塞優婆夷及餘眾
生修第一義者若不勤作供給供養衣服飲
食及以湯藥我當令彼若魔魔子乃至迦吒
富單那左右男女得頭病眼病耳病腹病如
是等病之所逼惱退失神通不復能得飛空
遠遊一切方所皆悉闍真魔王波旬作是語
已即說呪曰

菴摩差

反又戒

曷囉摩差

菴摩摩囉差

莫

义鞞闍婆帝

莫义蘇兜帝

阿婆羯篋

阿婆坛

時那起

反上支

那

摩伽娑婆犀

頰

囉棄摩那底梨 浮闍跋囉坻泥 阿佉嘑

差 摩佉跋弥 陀羅阿鞞斯囉佉鞞 娑

牟達囉佉鞞 畢唎剌毗 涅寐帝鬱持迦

涅寐帝 坻闍涅寐帝 娑耶娑涅寐帝

阿迦奢姝囉 涅寐帝 分示 那囉夜拏

佉娑涅文支 摩醯首娑囉 涅文支 阿

娑遮娑 涅文支 薩瓊娑 僧棄耶跋柘

涅文支 鉢囉摩頰他 涅文支 鉢囉伽

拏 鉢囉頰他 涅文支 多波跋囉多

涅目多 鉢囉摩頰他 涅文支 邏 蘇娑訶

尔時一切諸來大眾於中所有惡行惡心於

諸衆生無慈悲者皆悉驚怖魔王波旬復作

是言若有違我此教令者當得如上衆病等
惱復次世尊我今攝護佛子聲聞伏諸惡行
不令現在及未來世作諸衰惱能使世尊法
眼久住令三寶種不斷於世亦時世尊復讚
魔言善哉善哉如是波旬汝於長夜具大功
德無復諸惡一切衰惱亦時一切諸來大衆
諸天及人輒闍婆等皆悉讚言善哉善哉魔
王波旬能於三寶深得淨信如是佛法長夜
熾然天人當得入無畏城閉塞惡道常開善
趣解脫之門於四天下所有鬪諍疫疔飢饉
非時風雨皆得休息又令四天下常得安隱
豐樂可樂多衆盈滿亦時魔王禮世尊足右

遶三帀退坐一面尔時大衆欲重明此義以偈頌曰

魔心決定得歡喜

懺謝如來及眷屬

真心踊悅作是語

慈悲人前捨諸惡

猶如虛空無邊際

佛智境界亦如是

覺了無邊諸法已

於世說法最第一

或有說檀勝無等

以檀能得妙菩提

或復有說尸羅忍

精進禪定及智慧

如是種種方便說

示現無等大菩提

天人脩羅應當知

世尊降伏自在魔

此經佛說忍爲最

能得一切安隱樂

忍能休息諸煩惱

能示勝妙解脫城

卑心合掌咸向佛
當發最勝菩提願
自然如來授記已
及餘百千衆生等
已滿忍辱波羅蜜
與諸善法作依止
若魔依魔諸神鬼
如有惱害佛子者
一切大衆皆踊悅
以此業故法熾盛
魔王安任淨忍心
當息世間一切濁

截悔已作諸惡業
我等必當作導師
魔王速成等正覺
亦與無上菩提記
速爲無等大導師
護諸聲聞故說呪
夜叉脩羅富單那
當以惡病著其身
歡喜咸作如是言
則得久住於世間
三寶水泉難枯竭
飢饉暴風及亢旱

是故人天得諸樂

本所修習忍辱行

樂檀尸羅忍方便

到進禪智大彼岸

尔時世尊顯說如是忍功德時九百八十萬

諸天人等曾修忍者一切悉得無生法忍十

頻婆羅百千人得柔順忍億那由他百千天

人得須陀洹果過於數量諸衆生等得世正

見十頻婆羅百千天人阿脩羅夜叉羅刹咤

未發阿耨多羅三藐三菩提心者悉得發心

及不退轉百萬衆生得授阿耨多羅三藐三

菩提記

大方等大集經月藏分中一切鬼神集會品第七

尔時護世四大天王從座而起合掌向佛頭

面禮拜作如是言婆伽婆此閻浮提種種國
土城邑村落園林寺舍山澤等處所有諸惡
天龍夜叉羅刹阿脩羅鳩槃荼餓鬼毗舍遮
富單那迦吒富單那依彼住者瞋惡獷戾無
慚無愧於諸衆生無有慈愍常害他命及作
惱亂彼諸天龍乃至迦吒富單那等於閻浮
提非時數數起於亢旱惡風雹雨闇暝灰塵
嚴寒毒熱以是災害壞諸苗稼五穀花果蒲
萄甘蔗劫貝等物故令衆生多有種種飢饉
疫病愛別離苦衆惱逼切各各迭相怖懼鬪
戰心常恐懼諸王刹利於已眷屬五欲衆具
不生喜樂於已國土觸惱一切沙門婆羅門

毗舍首陀男夫婦女童男童女亦復觸惱象
馬牛羊師子虎豹豺狼狗犬一切禽獸皆令
觸惱於諸衆生種種因緣而逼惱之晝夜殺
害燒煮割截五穀財帛所欲供具身心樂事
及諸善行皆悉損減以是因緣令人天等善
趣減少又令閻浮提善事滅故不可愛樂我
等一切不能遮護今此世尊大集之處一切
大士菩薩摩訶薩諸聲聞衆皆悉雲集一切
天王及與眷屬一切龍王阿脩羅王乃至一
切毗舍遮王悉與眷屬皆來集會世尊彼等
於此閻浮提一切國土城邑村落山谷寺舍
園林之處唯願世尊分張付囑天龍夜叉羅

刹阿脩羅鳩槃荼餓鬼毗舍遮等各令護持
若彼天龍乃至毗舍遮於閻浮提作於一切
闍諍觸惱非時風雨疫病飢饉寒熱等事各
各隨分而遮護之若於閻浮提所有闍諍觸
惱疫病飢饉非時風雨寒熱等事皆悉休息
令閻浮提所有花果藥草劫貝財帛五穀甘
蔗蒲萄及蘇蜜等皆得成熟所有苗稼不令
衰壞於閻浮提諸處人中及麀鹿鳥獸隨其
所欲皆無乏少以無乏故令彼衆生修諸善
行修正法行修真實行勤修而任令彼諸善
增長不退以是因緣此閻浮提安隱豐盛人
多盈滿甚可愛樂世尊正法則得久任一切

人天所願滿足衆生悉得趣向善道及涅槃
道離三惡趣令三寶種得不斷絕今時四天
王欲重明此義以偈頌曰

於此閻浮提

所有諸國土

惡天龍夜叉

羅刹鳩槃荼

餓鬼毗舍遮

迦吒富單那

瞋惡無恩養

無慈於衆生

彼等無慚愧

觸惱諸刹利

沙門婆羅門

毗舍及首陀

師子象虎豹

非時惡風雨

疫病及飢饉

能令衆生苦

彼等害衆生

毀壞於世間

殘害諸苗稼

及滅正法燈

我等四天王

不能遮此惡

願佛當分布

國土城邑等

付囑龍夜叉

羅刹鳩槃荼

令彼各遮護

非時惡風雨

息諸佛畏惱

令無病飢饉

花果藥苗稼

充足眾美味

眾生不乏少

所用諸供具

一切善法增

令得可樂事

佛法得久住

眾生趣善道

三寶種不絕

願佛常哀愍

大地具眾美

離諸苦辛味

花果皆具足

種種味充滿

泉池陂河等

淨水常充滿

於諸苗稼等

不能奪精氣

彼所進飲食

心軟無麁獷

慈念常相向

流轉淨無垢

捨家眾事業

住於阿蘭若

勤修菩提行

令多眾生信

法朋得增益

令魔眾損減

四天下豐樂

諸處人充滿

尔時世尊問四天王釋提桓因娑婆世界主

大梵等言諸天王輩若見若聞此賢劫初拘
留孫佛及拘那含牟尼佛迦葉佛等出現世
時云何以此閻浮提中所有天龍夜叉鳩槃
荼等分張付囑爲如我今菩提樹下初成正
覺以此一切閻浮提中天龍夜叉鳩槃荼等
分張付囑安置不也如是問已四大天王釋
提桓因娑婆世界主大梵王等白佛言大德
婆伽婆我等見聞此賢劫初拘留孫佛菩提
樹下初成正覺以此閻浮提天龍夜叉鳩槃
荼等分張付囑如今世尊菩提樹下初成正
覺以此閻浮提天龍夜叉鳩槃荼等分張付
囑等無有異彼拘留孫佛出現世時衆生壽

命四萬萬歲彼時大地精氣衆生精氣法精氣
等力得增上味增上威增上德增上慈增上
勝增上智增上如是等事皆得增上尔時依
地果味衆花藥等衆生食者皆得軟心慈心
悲心喜心捨心施心戒心忍心精進心禪定
心智慧心離殺生心乃至離邪見心少欲知
足少煩惱垢多福長壽離欲閑居愛樂正法
厭患流轉熾三寶種以是因緣得離惡道趣
向善道尔時諸天乃至迦吒富單那一切禽
獸悉得具足如是等事次後衆生名壽損減
名壽損減故福德損減福德損減故地味精
氣損減地味精氣損減故衆生精氣損減衆

生精氣損減故衆生心法作善慚愧損減衆
生心法作善慚愧損減故正法甘露精氣損
減彼諸衆生名壽損減乃至正法甘露精氣
損減故廣作殺生乃至邪見乃至禽獸亦復
如是如是衆生遠離善道及涅槃道趣向惡
道彼命終已生惡道中若彼衆生生於夜叉
乃至迦吒富單那中者瞋惡無慈不觀後世
可怖畏事廣作殺生乃至邪見彼等衆生於
閻浮提未得入於付囑護持分中如是拘那
含牟尼佛迦葉佛於菩提樹下初成正覺以
此閻浮提天龍夜叉鳩槃荼等分張付囑如
今世尊於道樹下初成正覺以此閻浮提天

龍夜叉鳩槃荼等分張付囑等無有異如是
白法漸減黑法增長從是以來無量那由他
百千惡龍夜叉乃至迦吒富單那生長蕃息
常瞋獷惡不懷慚愧於諸衆生無有慈心不
觀後世可怖畏事殘害他命食其血肉彼等
不入分布分中無定住處此惡龍等不守護
人乃至畜生常欲奪人精氣斷他命根滅壞
國土城邑村落寺舍等處能令諸王瞋惱乃
至能令畜生等惱又復能令非時風雨嚴寒
毒熱壞滅一切花實苗稼如是惡龍乃至迦
吒富單那等不受我教我於彼等不得自在
是故於今五濁極惡白法損減如來出世一

切衆生於慈導師得生敬信尊重愛樂佛所
發言稱機利益具足功德智慧之聚得成大
悲六波羅蜜相應究竟所願得滿獲六神通
於法自在覆護攝受一切衆生能與衆生一
切善道及涅槃樂今者於此大集未曾之有
昔來未聞如是大集一切天王及與眷屬皆
來集會一切龍王乃至日王夜叉王羅刹王
阿脩羅王乾闥婆王緊那羅王迦樓羅王摩
睺羅伽王鳩槃荼王餓鬼王毗舍遮王悉與
眷屬皆來集此所未來者今願卅尊以神通
力盡皆攝之若有諸惡鬼神無所繫屬不受
他教瞋惡麤獷無有慈愍不觀後卅可怖畏

事殘害他命飲血食肉所不來者唯願世尊
當復慈愍以神通力令彼鬼神及其眷屬皆
來至此使得分布入他分中不令數數惱亂
衆生以此方便令四天下大地餘味而不速
滅精氣安住不復損減以地精氣不損減故
衆生精氣不損減衆生精氣不損減故正法
甘露精氣不損減正法甘露精氣不損減故
衆生心法作善平等增長以是因緣令三寶
種得不斷絕如是如是法眼久任閉三惡道
開於善趣及涅槃門如是如是白法增長黑
法損減如是如是天人增長無量天人悉得
充足涅槃快樂四天王等說是語時世尊觀

察默然不言。尔時娑婆世界主大梵天王、
 尸迦及諸釋天、四大天王皆共合掌告諸大
 衆：我等咸白一切菩薩摩訶薩：一切聲聞一
 切天龍夜叉羅刹、閻婆阿脩羅、緊那羅、迦
 樓羅、摩睺羅伽、餓鬼、毗舍遮、富單那等一切
 大衆願悉勸請如來法尊當使世尊令諸天
 衆悉集於此。一切龍衆乃至一切迦吒富單
 那等亦悉來集。彼等於閻浮提所有國土、城
 邑、村落、寺舍、園林、山谷、曠野、河井、泉池如是
 等處遊止住者，分張付囑，令彼一切諸善天
 龍乃至一切迦吒富單那分取安置，各自當
 分平等守護，不令縱捨，不令生惱，各各教彼

同行其法常作善念折伏惡心復令各各護
持自分而不縱捨不惱於他彼若各各當分
平等作護持者名稱流布得大勇猛獲大福
報尔時一切菩薩摩訶薩一切聲聞一切天
龍夜叉羅刹阿脩羅迦樓羅緊那羅軋闍婆
摩睺羅伽鳩槃荼餓鬼毗舍遮富單那迦吒
富單那乃至一切諸來大衆歡喜踴躍從座
而起合掌向佛一時同聲作如是言我等勸
請如來應供正遍知愍我等故利衆生故得
大悲心一切諸天乃至迦吒富單那悉令集
此彼等於此閻浮提中城邑村落乃至依止
泉池住者分張付囑令彼天龍乃至迦吒富

單那分取安置若彼諸天乃至迦吒富單那
等各捨己分猶作惱害不遮惱他應當治罰
而折伏之願佛發勇作大佛事一切盡皆分
張安置尔時世尊說偈答曰

於此佛法中

無有惱他義

度於苦彼岸

諸處心平等

諸法無有二

導師捨憎愛

一道如虛空

此是佛境界

若有有為心

思惟去來事

彼以法非法

能攝鬼神來

尔時復有一大梵天名曰正辯住第十地聖

無上聖以諸菩薩功德莊嚴在會而坐此正

辯天白諸天王一切龍王一切阿脩羅王乃

至一切迦吒富單那王作如是言汝等如是

今從如來得聞是義如佛世尊若行若住若
坐若卧不惱衆生汝等今悉一時同聲發願
怖求應當說言所有非人一切天龍鬼神所
攝常食精氣惱害於他食肉飲血者彼等一
切願護世四王力勢折伏所有化生濕生胎
生卵生如是隨其所有諸龍夜叉羅刹阿脩
羅迦樓羅軋闍婆緊那羅摩睺羅伽鳩槃荼
餓鬼毗舍遮富單那迦吒富單那一切等類
四生所依彼等悉爲四大天王力所攝伏願
四大王攝彼一切所不來者悉至於此亦時
一切天王乃至迦吒富單那王作是願言除
三十三天以下所有四天王天及諸龍衆乃至迦

吒富單那四生所依一切無餘悉願依於四
大天王彼等四王力所攝伏若有諸天乃至
迦吒富單那等於四天王如有違反一一王
力不受教勅即當為彼熾然鐵輪截其耳鼻
若截耳鼻猶故違者復令鐵輪截彼手足若
截手足猶故違者復斬其首若有乃至違四

天王教勅之者必令如是今時毗沙門天王
即以熾然焰赫鐵輪向於北方而遙擲之即
說呪曰

多地夜他

窮窮尼邏窮

其鳳反

叉婆窮

迦佉伽泥

迦佉闍羅廁

蘇婆訶

今時毗樓博叉天王亦以熾然焰赫鐵輪向

於西方而遙擲之復說呪曰

多地夜他 尸梨器 尸羅器 伽伽那

尸梨器 义尸邏器底 闍利 蘇婆訶

尔時毗樓勒天王亦以熾然焰赫鐵輪向於

南方而遙擲之即說呪曰

多地夜他 闍邏鼻唎師 闍囉鼻唎師

悉多婆 闍囉鼻唎師 達囉尼 闍囉闍

囉 鼻唎師 蘇婆訶

尔時提頭賴吒天王亦以熾然焰赫鐵輪向

於東方而遙擲之即說呪曰

多地夜他 阿那易反七利 阿那阿那耶

阿那浮毗 阿迦奢浮毗 摩系反下帝 都

易 蘇婆訶

尔時四方諸天乃至迦吒富單那及諸小樹
林藥草神等遙見鐵輪熾然焰赫悉大驚懼
愁憂不樂恐命不存觀十方已各作念言誰
當有能救於我等為歸為趣施我等命即便
觀見大悲世尊如實利益諸衆生者法羅帝
山牟尼諸仙所依住處大衆悉集團遶而坐
唯彼當能救我等命即往佛所疾如電光到
佛前住如是十方所有諸天乃至迦吒富單
那等皆往佛所到已而住尔時世尊欲重明
此義而說偈言

時我兩足尊

問釋梵四王

為見為聞彼

過去諸導師

分布四天下

為令天等護

可不如我今

道樹下分布

天王答我言

如是昔諸佛

坐於道樹下

分與夜叉等

後因過及時

轉生諸雜惡

鳩槃龍夜叉

羅刹鬼單那

獷惡無慈愍

常食他血肉

彼惱於諸國

及惱四姓人

非時作風雨

及以寒熱等

飢饉病鬪諍

滅壞大地味

無慈於一切

惱害多衆生

莫能遮護者

不伏於我等

是以地精氣

衆生精氣沒

正法妙精氣

難得者日損

時過因緣故

天人等損減

增長諸惡世

法朋難可得

法不久住世

滅壞正法燈

斷絕三寶種

世間當盲冥 今佛大勇猛 於白法盡時
出現閻浮提 大悲衆生樂 中言具六通
究了諸法岸 利益衆生故 作此大集會
一切天龍王 護世等來集 諸鬼惡無慈
恒食他血肉 龍鬼富單那 彼等不來此
無所受教令 不依屬他分 一切受佛語
令彼皆來集 願分於彼等 各令有所屬
不令更惱害 奪他精氣任 三種精氣任
令人修法行 白法得增長 黑法得消滅
以是惡道息 天人得增益 解脫門得開
三寶種熾然 福流諸衆生 速能得解脫
于時我默然 不隨於彼等 梵王諸帝釋

四大護世王

俱白一切眾

所來在會者

勸請天人師

攝諸鬼來此

分張付囑彼

城邑諸村落

晝夜常護持

各令住自分

菩薩等大眾

從座起合掌

勸請大導師

攝諸鬼來此

一切分作分

護持閻浮提

勿惱於眾

發勇人中上

我不惱亂他

遠離去來事

了知法無二

離諸眾生想

正辯大梵天

告諸天王言

導師不惱他

佛法無此事

悉共發願言

令鬼不為惱

分布各依止

彼四天王等

諸王作是言

我今依汝語

誓勅於彼等

悉令得作分

若彼不依教

速為輪所燒

于時四天王

使輪向四方
頂禮世尊足
合掌於彼住

盡皆到佛所

大方等大集月藏經卷第四

陶

咽瓔

上也 音煙

正作咽

路也 項

羯筵

上所居 謂反

坵

音遲起

是枝

嘍

盈反

跣

必我

窳

反

醯

呼号

柘

之夜

亢旱

浪上

反

蒲葑

下

音

陂池


反

反

反

反

反



猪飼順良寄附

